



2. juni 2021

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuninnga apeqquteqaateqarpunga:

**Nittartakkatigut inoqatinut attaveqaatitigut meeqqanik inuusuttunillu kinguaassiuutitigut atorerluisarnerup pinaveersaartinneqarnissaat pillugu Naalackersuisunut apeqquteqaatit:**

- 1. Nittartakkatigut inoqatinut attaveqaatitigut kinguaassiuutitigut innarliisarnerit akiorniarlugit aamma toqqissisimasumik pissusilersornissamut ilinniartitsinernut pædofilillu tatiginnilersitsiniaasarnerinut akiuiniarnermut meeqqat atuarfianni tigussaasumik suut suliniutigineqarpat?**
- 2. Nittartakkatigut inoqatinut attaveqaatitigut kinguaassiuutitigut innarliisarnerit akiorniarlugit aamma toqqissisimasumik pissusilersornissamut ilinniartitsinernut pædofilillu tatiginnilersitsiniaasarnerinut akiuiniarnermut avataaniit assigisaannik suliaqartunik Naalackersuisut qanoq annertutigisumik peqataatitsippat, soorlu Kalaallit Nunaanni Pinerluttaalisitsinermut Isumasioqatigiit, Meeqqat oqaaseqartartuat aammalu Red Barnet?**
- 3. Meeqqat atuarfianni ilinniartitsinermut ilitsersuutini ilikkagassatullu anguniagassani ullumikkut nittartakkatigut inoqatinut attaveqaatit, toqqissisimasumik nittartakkanik atuineq tatiginnilersitsiniaasarnerillu ilaatinneqarpat, taamaanngippallu: Qaqugu Naalackersuisut naatsorsuutigaat, taakku ilinniartitsinermut ilitsersuutini ilikkagassatullu anguniagassani nutaani atuutilerneqarnissaat?**
- 4. Tatiginnilersitsiniaasarnermut toqqissisimasumillu nikkartakkanik atuinermut ilinniutinik naammasseriikkanik Naalackersuisut pisereersimanerlutik taakkualu kalaallisuunngortinneqareersimanerpat?**
- 5. Naalackersuisut Red Barnet-imut isumaqatigiissuteqareernerlutik imaluunniit isumaqatigiissuteqarnialikkersaarnerpat Red Barnet-ip tatiginilersitsiniaasarnermut nittartakkatigullu kinguaassiuutitigut atorerluisarnermut akiuiniarnermut ilinniusiaannik atuinissamut?**

(Inatsisartunut ilaasortaq Anna Wangenheim, Demokraatit)



## Tunnngavilersuut

Soorlu nunarsuaq tamakkerlugu, nittartakkatigut inoqatinut attaveqaatit atornerarnerat maani nunami ukiuni kingullerni annertoorejussuarmik annertusisimavoq. Inersimasuinnaannngitsunut, kisiannili aamma meeqqat inuusuttullu atuinerat. Aamma nunami maani pissutissaqarpugut tatiginnitsitsiniaanerup nittartakkatigullu inoqatinut attaveqaatit aqputigalugit meeqqanik inuusuttunillu kinguaassiuutitigut atornerluisoqarsinnaanerata eqqumaffiginissaat.

Danmarkimi minnerunngitsumillu Red Barnet annertuumik suliaqarsimavoq tatiginnitsitsiniaanerup nittartakkatigullu inoqatinut attaveqaatit aqputigalugit meeqqanik inuusuttunillu kinguaassiuutitigut atornerluisoqarsinnaanerata akiorniarnissaanut. Taamaattumillu Red Barnet nittartakkamik pilersitsisimalluni, atersimasaminik "Sikker chat", ilaatigut akeqanngitsumik ilinniusianik siunnersuinermillu ilaqartinneqartumik. Nalunngisakka malillugit maani nunatsinni assigusunik peqanngilagut. Ukioq manna Januarimi Naalakkersuisut saqqummiussaa paarisa.gl meeqqanut tulluarsagaq aamma imarisamigut allaanerussuteqarpoq.

Taamaattorli § 37 malillugu akissummi nr. 2018-184 Naalakkersuisut paasissutissiipput, Naalakkersuisut naatsorsuutigigaat, "Atuarfik Digitaliusoq/Den digitale folkeskole 2018-2019" atuutilersinneqarneranut atatillugu, nittartakkatigut kinguaassiuutitigut atornerluinernut pinaveersaartitsinerit kiisalu nittartakkani toqqissisimasumik atuinerit pædofilinillu tatiginnitsitsiniaanerit pinaveersaartinniarneqarneri meeqqat atuarfianni atuutilersinneqassasoq.

§ 37-akissummi tassani Naalakkersuisut paasissutissiipput, ilinniartitaanermut Aqutsisoqarfik Digitaliseeriinermullu aqutsisoqarfik ataatsimut digitalimik suleqatigiinnik pilersitsisimasoq, allanik suleqateqarlutik iluminni avataaniillu suleqateqarlutik. Taakkulu "Atuarfik Digitaliusoq/Den digitale folkeskole 2018/2019" suliarineqarnerani sammisanik iliuusissanillu piviusunngortitsissallutik.

Taamatullu Naalakkersuisut paasissutissiipput, ilinniartitsinermut ilitsersuutini nittartakkatigut inuit attaveqaataat, toqqissisimasumik nittartakkanik atuneq kiisalu tatiginnilersitsiniaaneq maannamut suli ilanngunneqarsimannngitsut, pissusissamisuginnarporli, taakku oqaatsit, ilinniartitsinermut ilitsersuutini ilikkagassatullu anguniagassani nutarterinermi, ilanngunneqarnissaat.

Apequteqaatima siunertaraat anguniakkat eqqartorneqartut killiffiisa akissutisinissaat.